



Expediente IET: P-21-751
Proxecto: Modificación parque eólico Figueiras
Concello: Mondoñedo, Alfoz e O Valadouro (Lugo)
Promotor: Fergo Galicia Vento Pee, S.L.

INFORME DE IMPACTO E INTEGRACIÓN PAISAXÍSTICA

De acordo co artigo 37.1 da Lei 21/2013, do 9 de decembro, de avaliación ambiental, e co artigo 11.3 da Lei 7/2008, do 7 de xullo, de protección da paisaxe de Galicia, con data do 24/05/2022 o Servizo de Enerxías Renovables e Eficiencia Enerxética somete a informe do Instituto de Estudos do Territorio (IET) a documentación do proxecto de Modificación do parque eólico Figueiras.

1. Antecedentes:

Con datas do 08/11/2021 e 03/12/2021 o IET emitiu informes de impacto e integración paisaxística, de acordo co previsto no artigo 11.3 da Lei 7/2008. Neses informes indicábase que o estudo de impacto e integración paisaxística (EIIP) elaborado non se axustaba completamente ao disposto na Lei 7/2008, do 7 de xullo, de protección da paisaxe de Galicia, e ao Regulamento da Lei 7/2008. Así mesmo facíanse unha serie de consideracións sobre distintas medidas que debería adoptar o proxecto para minimizar os impactos e acadar unha mellor integración paisaxística, como medidas relacionadas coas barreiras vexetais e a non afección a afloramentos rochosos. No último informe indícase a necesidade de estudar a modificación da posición F-3 así como dos seus camiños de servizo para minimizar a afección aos anteditos afloramentos rochosos.

2. Marco legal:

Consonte co artigo 15 da Lei 1/2021, do 8 de xaneiro, de ordenación do territorio de Galicia, e co artigo 28 do Decreto 244/2011, do 29 de decembro (modificado polo Decreto 42/2019, do 28 de marzo), o Instituto de Estudos do Territorio (IET) é o órgano competente para emitir este informe en materia de paisaxe, de acordo co que para tal efecto establecen os artigos 32 e 33 do Regulamento para o desenvolvemento da Lei 7/2008, do 7 de xullo, de protección da paisaxe de Galicia, aprobado polo Decreto 96/2020, do 29 de maio (RLPPG).

En desenvolvemento da Lei 7/2008 aprobáronse o Catálogo das paisaxes de Galicia (Decreto 119/2016, do 28 de xullo) e as Directrices de paisaxe de Galicia (Decreto 238/2020, do 29 de decembro).

De acordo co artigo 11.1 da Lei 7/2008, todos os proxectos que deban someterse a declaración de impacto ambiental deberán incorporar no estudo de impacto ambiental un estudo de impacto e integración paisaxística (EIIP), como documento específico no que se avaliarán os efectos e impactos que o proxecto poida provocar na paisaxe e as medidas de integración paisaxística propostas. O contido do EIIP debe axustarse ao disposto no artigo 11.2 da Lei 7/2008 e nos artigos 26 e seguintes do RLPPG.

3. Análise do EIIP, dos efectos do proxecto sobre a paisaxe e das medidas de integración paisaxística:

A documentación achegada polo Servizo de Enerxías Renovables e Eficiencia Enerxética consiste nun escrito de contestación (14/12/2021) ao anterior informe do IET. Nese escrito a



empresa promotora indica que *"se incluirán las medidas de integración paisajística en el proyecto de ejecución del parque eólico Figueiras a autorizar."*

Que se coñeza, non se produce ningún cambio no deseño das instalacións, polo que os seus efectos sobre a paisaxe serán os que xa se valoraron en anteriores informes. Se ben, tendo en conta a afirmación feita pola empresa promotora no escrito de contestación agárdase unha modificación da posición F-3, ou da súa plataforma de montaxe ou do seu camiño de servizo, co fin de minimizar a afección a afloramentos rochosos.

En canto as medidas preventivas e correctoras previstas no EIIP e no escrito de contestación, poden considerarse, en xeral, adecuadas para reducir ou mitigar os impactos sobre a paisaxe.

6. Conclusión:

No relacionado co contido do EIIP, como xa se indicou no anterior informe, pode considerarse completo segundo o disposto no artigo 11.2 da Lei 7/2008 e nos artigos 26 e seguintes do RLPPG.

O principal impacto paisaxístico deste proxecto será a incidencia visual producida polos aeroxeradores, que pola súa forma e altura, serán visibles desde unha ampla extensión de terreos e a longas distancias; esta incidencia perdurará durante todo o tempo en que estean instalados os aeroxeradores, e verase incrementada polo efecto sinérxico derivado da presenza doutros parques eólicos na contorna. Neste caso, entre as zonas afectadas pola incidencia visual cabe destacar os núcleos máis próximos. Esta incidencia visual, se ben non supón un impacto crítico, non poderá ser mitigada con medidas correctoras agás nos núcleos rurais, mediante as barreiras vexetais establecidas no EIIP.

Ademais, o proxecto pode producir outros efectos sobre elementos compositivos da paisaxe como son os afloramentos rochosos, para os cales se deberán adoptar as medidas indicadas no anterior informe as cales se compromete a cumprir a empresa promotora no escrito de contestación. Estas medidas deberán quedar recollidas no EIIP, sen necesidade de ser sometido a novo informe do IET.

En todo caso, de acordo co artigo 30.3 do RLPPG, as medidas de integración paisaxística deberán quedar tamén oportunamente recollidas no proxecto.

José Luís Álvarez Vicente
Xefe do Servizo de Planificación da Paisaxe

José Antonio Serantes Barbeito
Director do Departamento Técnico de Estudos

Visto e conforme, Enrique Luís de Salvador Sánchez
Director do Instituto de Estudos do Territorio

(Na data da sinatura electrónica)

